



**Канон Пресвятой Богородице,
певаемыи пред чудотворною иконою Ея,
нарицаемою Утолимья печали**

Тропарь, глас 4-и. **О! Всепётая и Всеславная Царице Богородице, Мати всея твари Содетеля, христианская надежда и Заступница! Печальным утешение, ненадеющимся и отчаявшимся скорое надеяние. Молим Тя: милостива буди нам грешным, не остави раб Своих, и не отрини моления недостойных. Молимтися, взирающе ко образу Твоему честному, святых и чудотворных икон Твоея, и вопиюще: с плавающими и в путь шествующими, да пребудет милость Твоя. О! Владычице, ризою честною защити, и во всяцех местех злых соблюди. И молися к рожьшемуся из Тебе Христу Богу нашему, да спасет от грех душ наша. Дважды. Слава и ныне, той же.**

Канон, глас 4-и. Песнь 1. Ирмос. **Отверзу уста моя, и наполнятся духа, и слово отрыгну Царице Матери, и явлюся светло торжествуя, и воспою радуясь, Тоя чудеса.**

Запев: Пресвятáя Госпожé Богорóдице, услýши молítву раб Сво́их, моля́щихся Тебé (поклон).

Пресвятáя Госпожé Влады́чице Богорóдице, услýши глас молéния моего́, и умилосéрдися о мне грéшнем, погиба́ющем, Пресвятáя Влады́чице, и в печáли мéсто дáруй ми рáдость, да рáдуясь воспева́ю Ти Всепéтая.

Запев. Влады́чице, ути́ши душі́ моея́ свирéпства, понéже мно́гия скóрби и печáли нападóша на мя, но от сих Влады́чице, спаси́ мя грéшнаго, да не погíбну зле ока́янными.

Слава. Ты еси́ крéпость моя́ и утвержéние, от врагов защищéние, и сего́ рáди не убою́ся вра́жия прещéния. Но прíсно пою́ Тя и сла́влю Всепéтая.

И ныне. Напа́сти бéды и скóрби мно́гия нападóша на мя, и отяготи́ша мя. И от всего́ сéрдца молю́ Тя и вопию́: избáви мя зол и весéлие ниспосли́.

Катавасия: Спаси́ от бед рабы́ Своя́, Богорóдице Дéво, я́ко вси по́ Бозе к Тебé прибега́ем, я́ко к неруши́мей стенé и заступлéнию (поклон). Гóсподи помíлуй (трижды, с поклонами).

Песнь 3. Ирмос. Лук си́льных изнемо́же, а нéмощнии препоя́сашася си́лою. Сего́ рáди возвесели́ся, ó Господе сéрдце мое́.

Запев. Ты еси́ тéплая Предстáтельница, и твёрдая Засту́пница, избáви мя Всесвятáя, от нашéдших мя напáстей, Ты бо еси́ Влады́чице, па́дшим исправлéние.

Запев. Избáви мя Пресвятáя, от сих напáстей и бед, и омрачéния душéвнаго, и унýния. И вся стра́сти отженí, от менé Чíстая, да прíсно слáвлю Тя, Влады́чице.

Слава. К Тебé прибегаю Пресвятáя, не прéзри моя́ болéзни и въздыхáния, но прízри на мя сýщаго в скóрби, и сию́ мою́ печáль на рáдость преложí Богоблагодáтная.

И ныне. Виждь Влады́чице бедú мою́ и скорбь, и в тех лукавыи враг поглóтити мя íщет, но ты Пречíстая Влады́чице, препнí то его злохíтрое коварство, да избáвлюся и слáвлю Тя твёрдую Застúпницу рáдуясь.

Катавасия. Гóсподи помíлуй (трижды, с поклонами).

Слава, и ныне. Седален, глас 2-й. Молíтвеница тéплая, купно и Стена необорíмая, мíлости истóчнице, мíрови прибéжище, прилéжно Ти вопиём: Богорóдице Влады́чице, предвари́ от бед избáвити нас, Едíна вскóре заступáющи.

Песнь 4. Ирмос. Услы́шах слáвное смотре́ние Твое́ Христé Бóже. Яко родíся от Дéвы, да óт лести избáвиши вопию́щия Ти: сла́ва síле Твое́й Гóсподи.

Запев. Ты еси́ Пречíстая Богорóдице, надéжда и утвержéние моé, и лю́тых ми бед освобождéние, и в печáли утешéние, и во уповáнии моём непоколебíмыи стóлпе. И в сих печáлех бúди ми слáдкое утешéние, и в бедáх скóрая Помóщница, и в молíтвах Предстáтельница. Тя бо Мáти Бóжия стяжáв Застúпницу, от всяких бед избавляюся, и ко спасéнию направлюся (дважды).

Слава. Ты Богородице Пресвятая Деве, сущим в бедах приближаешься, печальным помогаешь, исхитившихся исправляешь, яко Мати Зиждителя сущи.

И ныне. Приклонися к мольбам раба Твоего, Владычице, и не закосни избавити мя от сих скорбей и бед, видимых и невидимых враг от мене отжени, да не зле погибну окайными.

Катавасия. Господи помилуй (трижды, с поклонами).

Песнь 5. Ирмос. Нечестивии не узрят славы Твоея Христе, но мы Тя Единородне, Отчее зарение славы Божия, от нощи утренююще воспеваем Тя Милосерде.

Запев. Суди супостата моего, и от напрасного оскорбления, избави мя осужденного, яко Ты Судию праведного породила еси Всенепорочная, Иже грядет судити комуждо по делом его.

Запев. Ты в напастех и в скорбех, милостивно защищаешь, иже под кров Твой прибегающия, прими Пречистая, и мое сие моление, от унылаго сердца моего, да не зле во отчаянии погибну.

Слава. Милостивным Си и кратким оком Богородительнице, возри на мя недостойного, и милосердием Своим призри на мя. И обстояния напастей свободи, призывающия Тя на помощь, Всечистая.

И ныне. Первозданныи Адам и Ева Тобою Пречистая избавишася от слез, с ними же и аз припадая молюся, да милостию Си отрешши болезненные слезы, и даси ми полезное утешение.

Катавасия. **Гóсподи помíлуй** (трижды, с поклонами).

Песнь 6. Ирмос. **Бўря мя мно́гих согрешéнии мо́их потопля́ет, и изнемога́ет дух мой. Но Ты Гóсподи я́ко Мíлостив соше́д, возведí живóт мой.**

Запев. **Внуши́ печáльныи вопль раба́ Твоего́, трéбующа по́мощи Твоея́ Богома́ти, Ты бо еси́ упова́ние моё, но потщи́ся печáль мою́ на ра́дость преложíти.**

Запев. **Изба́ви мя Бóжия Ма́ти от язýка льсти́ва, от челове́ка непра́ведна изми́ мя без па́кости, вся бо Ты мо́жеши, я́ко Ма́ти Зиждíтеля сýщи.**

Слава. **Вём Тя Богоблагодáтная, многотрудным Целéбницу; и аз немощны́и, дýхом и усты́ зовý: от напа́сти сея́ и печáли свободí, и спасí мя Влады́чице, к Тебе́ прибега́юща.**

И ныне. **Изба́ви мя от па́кости сея́ и бед, Богоневéсто, Тя бо устро́и Бог на спасéние и заступлéние на́ше Ходáтаицу, и сегó ра́ди мне недостóйному, исходáтайствуй от сея́ печáли свободéние.**

Катавасия. **Гóсподи помíлуй** (трижды, без поклонов). Слава, и ныне.

Кондак, глас 8-и. **Плотскíм недýгом многовídным, и душéвным страстéм многообразным, исцелéние обрёт Тобóю Пренепорóчная, печáлем же разрешéние, бедáм и скóрбем пременéние, и гото́вое и скóрое избавлéние. Вéрою несумéнною, и тёплым сёрдцем исповéдаю Твоя́ мíлости Влады́чице, сынóм же челове́ческим мно́гая Твоя́ чудеса́. И молю́ся, крóвом крилу́ Твоею́ прíсно соблюсти́ и**

сохраніти мя всегда, да зову Ти: радуися Невесто Невестная.

Икос. К Богородице любовь возопиём, со умилением сердца, и со смирением духа, тепле припадающе, и благодарственне глаголюще. Радуися граде Господень. Радуися скипетре Давыдов. Радуися полато одушевленная. Радуися ручко Божественная манны. Радуися Купино неопалимая. Радуися свещнице и свеще Свету. Радуися Госпоже Деве, Божественная Одигитрие. Радуися горе Божия присенная. Радуися огненосный престолу. Радуися лестнице и дверь небесная. Радуися желе невлажно прозябыйи. Радуися Ходатаице жизни роду человеческому. Радуися яко спасаеши всех от всяких бед и скорбей. Радуися Невесто Невестная.

Прокимен, глас 4-и. Помяну имя Твое, во всяком роде и роде.

Стих: Отрыгну сердце мое слово благо, глаголю аз дела моя Цареву.

Евангелие от Луки, зачало 4.

Во дни оны, воставши Мариам, иде в горня со тщанием, во град Иудов, и вниде в дом Захарин, и целова Елисаветь. И бысть, яко услыша Елисаветь целование Мариино, възграся младенец во чреве ея. И исполнися Духа Свята Елисаветь, и возопи гласом велиим и рече: благословенна Ты в женах, и благословен Плод чрева

Твоего. И откуда мне се, да прииде Мати Господа моего ко мне? Се бо яко бысть глас целования Твоего во ушию мою, взыграся младенец радощами во чреве моем. И блажена Веровавшая, яко будет совершение глаголанное Ей от Господа. И рече Мариам: Величит душа Моя Господа, и возрадовася дух Мой о Бозе Спасе Моём. Яко призрел на смирение рабы Своея, се бо от ныне блажат Мя вси роди. Яко сотвори Мне величие Сильныи, и свято имя Его. Пребысть же Мариам с нею, яко три месяцы, и возвратися в дом Свой.

Стихера, глас 6-и. Не остави нас в человеческое предстояние Пречистая Владычице, но прими моление раб Своих, скорби убо обдержат ны, и терпети не можем, от бесовскаго стреляния, покрова не стяжанием нигдеже, прибегнути страстнии, всегда побеждаеми. Утешения не имамы, разве Тебе Владычице миру; упование и Предстательница верным, не презри моления наша, но совершена сотвори.

Песнь 7. Ирмос. Спаси во огни Авраамския Си дети. И халдеи убив, яже без правды праведныя уловляху. Препетыи Господи Боже отец, благословен еси.

Запев. Ты еси Пречистая Богородице, Покровительница моя и непрестанное радование души моея. Но О! Владычице, и в наших на мя сих нечаемых скорбех утешение. И сего ради аз недостойныи раб Твой, всенадежно вопию Ти: помилуй мя падшаго.

Запев. Ты еси Пречистая Богородице, Покровительница моя и непрестанное радование души моея. Но О! Владычице, от нашедших на мя, одержимаго лютыми беды, и неотешимыя печали избави.

Слава. Исцели душевныя моя язвы Владычице, заступи мя раба Твоего. И избави мя от оболгания сего неправеднаго, и от всякого навета и развращения изми мя Преблагословенная.

И ныне. Сокруши советы неправедныя, иже на мя изощрены суть. Аз бо инья помощи не имам, разве Тебе Чистая, и к Тебе прибегаю: не попусти ми погибнути, яко вся Тебе возможна суть.

Катавасия. Господи помилуй (трижды, с поклонами).

Песнь 8. Ирмос. Радующеся по осуждению мучительску отроцы, яко не богом скверным послужат всем, но живому Богу; на огонь дерзнуша, от Ангела же прохлаждаеми песнь глаголаху: дела Господня Господа пойте, и превозносите Его во веки.

Запев. Душу мою сохрани, покровом крылу Твоею, Преблагословенная Богородице Дево. И от различных мя бед и скорбей избави, да не порадуется враг моей гибели, но да прославлю Тя Матерь Божию во веки.

Запев. Аз удалихся помощи человеческия, искати прибегах к Тебе Пренепорочная. Ты еси всенадежная Хранительница христианом, днесь к покрову Твоему притекох,

принуждѣнием беды сея. Но Ты мѣтерски помѣлуй мя, да славлю Тя во веки.

Слава. Ты еси Пречѣстая просвѣщѣние мое и избавленіе, Ты еси Поборница моя всерадостна. Ты еси надежда, и нерушѣмая стена, слава и хвала моя, Пренепорочная Дѣво. Тебѣ усердно поклоняюся (поклон) и вопию: спаси мя отчаяннаго, да прославлю Тя во веки.

И ныне. На Тя надежду спасенія моего возложѣх, Неискусобрачная Богомѣти, и на помощь призываю Тя: спаси мя от печали сея и напасти. И разреши пленѣцы зол моих, и всех скорбей моих избави мя, да славлю Тя во веки.

Катавасія. Господи помѣлуй (трижды, с поклонами).

Песнь 9. Ирмос. Сотвори державу мѣшцею Своєю, низложи бо сильныя со престол, и вознесѣ смиренныя Бог Израилев, в них же посети нас Восток Свѣше, и направил ны есть на путь мирен.

Запев (поклон). Исше яко скудель от печали крепость моя, и ко аду приближихся, от язв душепагубных и зол, но предвари Мѣти Божія, заступленіем Своим, исхити мя от обдержавших мя скорбей, рукою милостивною, да прославлю Тя, Чѣстая прѣсно Дѣво.

Запев. Сѣти лукавых и злочестивых человек сокруши, Чѣстая Богородительнице. Исхити мя неврежденно, Твой бо есмь раб, обрадуй мя Обрадованная, яко с Тобою

Госпóдь, и аз вопиú Ти: радуися Преплаженная, Богорóдице Чíстая прíсно Дéво.

Слава. Всенепорóчная Отроковице, всех вёрных крёпкое заступлénие, уповáние христиáном. Бúди и о мнé неотстúпная Молéбница к Сýну Своемú, и Бóгу в Трóице слáвимому, и свобождénие сея нашédшия на мя напáсти, да вопиú Ти: радуися Чíстая прíсно Дéво.

И ныне. Ты еси крёпость моя Пречíстая, прибéжище и Стенá необорíмая, Ты еси тёплая к Бóгу молéбница, всяких мя напáстей и бед свободí, едина Благословéная. И рáтующия на мя всúе, разженí яко прах. Да вопиú Ти: радуися Преплаженная, Богорóдице Чíстая прíсно Дéво.

Катавасия. Гóсподи помíлуй (трижды, с поклонами).

Задостойник: Владычице, примí моли́тву раб Свои́х... (до конца; поклон земной).

Трисвятóе, и по Отче наш. Молитва Иисова. Тропарь: О! Всепéтая и всеслáвная Цари́це Богорóдице... Слава, и ныне, кондак: Плотскíм недúгом многовídным...

Гóсподи помíлуй (40, с 3 поклонами). Слава, и ныне.

Честнэйшую херувím. Слава, и ныне. Гóсподи помíлуй (дважды, с поклонами), Гóсподи благослови́ (с поклоном).

Отпúст: Гóсподи, Исúсе Христé, Сýне Бóжи, моли́тв рáди Пречíстыя Ти Мáтере, честнáго и слáвнаго явлénия чúдотворныя икóны Ея Утоли́мыя печáли, и всéх святы́х, помíлуй и спасí нас, яко Благ и Человеколю́бец. Амíнь.

Гóсподи помíлуй (трижды), и обычные исходные поклоны.